

**Vademecum Sive Praxis Opera Quotidiana Aliaque ritè
peragendi, & per ea salutem & perfectionem propriam, ac
proximi, instituto Societatis Jesu conformem assequendi**

De operibus solidæque devotionis exercitiis, quæ vel quotidie non
peraguntur, ves fusiore indigent explicatione, quomodo cum majori fructu
peragi possint

Limpens, Ferdinand

Coloniæ Agrippinæ, 1744

De Agnus Dei, Communione, ejus diversis modis & fructibus.

Nutzungsbedingungen

[urn:nbn:de:hbz:466:1-54780](#)

mis. *Sicut & nos dimittimus debitoribus nostris.*
Benè examina, an hoc coram Deo omniscio
corda & renes perscrutante in veritate dicere
possis. Si non, Deum contra te ipsum provoca-
cas. Cùm petas, ut ità tibi ipsum roties offendenti faciat, sicut tu iis, qui te offendunt. *Et ne nos inducas in tentationem.* Híc petitione à
Deo poscimus, ut, si ad nostri exercitationem
& probationem nos diversimodè probari per-
mittat, nos cadere non sinat, sed gratiam no-
bis ad tentationem superandam elargiatur. *Sed libera nos à malo.* Possunt etiam inter mala
computati adversitates, sed propriè & in sensu
strictiore unicè malum est peccatum. Quia om-
ne in se bonum (ut appareat in Angelis ad tar-
tara detrusis primis nostris Parentibus, & tot
inde secutis calamitatibus à justitia divina in tem-
pore & æternitate intentatis) corrumpit, nec
tantum crucifixit D. N. J. C. sed & tantæ per se
malitiæ est, ut quantum est in se, denuo eum
crucifigat juxta Apostoli Pauli effatum. Cùm
autem æterna damnatio sequatur in peccato
mortali mortuum; & ab isto æterno malo libe-
rari perimus velut filii adoptivi æterni Patris &
confratres D. N. J. C. voce *Amen* ratificamus
omnia, quæ petimus, & desiderium hæc à
Deo impetrandi ostendimus.

*De Agnus Dei, Communione, ejus diversis
modis & fructibus.*

Perimus, ut misericorditer nobiscum agat
Dei Filius & Agnus innocentissimus igno-
scendo

Pars tertia

34

scendo peccata. Cùm ergo tales in Missa occa-
sionem habeamus, non antè è templo egrē-
diamur, quām, quantum fieri potest, horum
remissionem obtinuerimus. Quin etiam dum
petimus, ut nostri misereatur, rogamus, ut
nos ad pretiosissimi corporis ac sanguinis sui
Communionem præparet. Cùm sine ejusdem
gratia dignè ipsum recipere non mereamur.
Hoc specialiter suis in orationibus petit Sacer-
dos, quas Communioni præmittit. Qui verò
Missam audit, spiritualiter communicare allâ-
boret, & non mediocrem gratiæ SS. hujus Sa-
cramenti partem consequetur. Quâ occasione
notandum est tres hujus Sacramenti recipiendi
modos considerari posse. *Primus* est solùm Sa-
cramentalis, quando scilicet quis communicat
in statu disgratiæ, & sic abominabile instar Ju-
dæ committit sacrilegium, & reum teste Paulo
se facit corporis & sanguinis Domini non secus
ac qui Christum crucifixerunt. *Secondus* est Sacra-
mentalis simul & spiritualis. Et hoc modo com-
municat quivis, qui in statu gratiæ Sacramen-
tum hoc suscipit, & majorem vel minorem ex
eo gratiam recipit pro dispositione, devotione
ac præparatione, quâ ad ipsum sumendum ac-
cedit. *Tertius* est merè spiritualis, & hoc mo-
do communicare possunt in Missa, quin imò
sæpius per diem, fideles omnes primò eliciendo
& ipsum ut tales suscipere desiderando v.g.
hoc vel simili affectu. *Credo te hic præsentem*
Domine JESU, vellem modo omnium Sancto-
rum

tum in cælo regnantium puritatem, sanctitatem & virtutes habere ad te intra viscera mea dignè recipiendum, & jam te libenter reciperem. Sed quia modò id facere non possum, sufficit mihi hoc desiderium, quod mihi concedere dignaris, & loco actualis sumptionis modò tibi præsento hoc desiderium cum actu contritionis, & tui super omnia dilectionis. Hæc spiritualiter communicandi ratio apud pios homines admodum frequens est, & summè meritoriam esse è contrario actu patet. Sicut enim gravissimè peccaret is, qui nunquam Communionem adire proponeret. Sic qui id facere libenter vellet existens in gratia, multum apud Deum meretur. Cùm Deus non minù, liberalis sit ad remunerandam bonam hominis voluntatem per augmentum gratiæ & correspondentis æternæ gloriæ, ac justus ad castigandum æternâ poenâ propositum pravum hominis ipsius nunquam in Sacramento dignè sumendi, & econtra offendendi.

Præcipuus ipsius sumptionis corporis & sanguinis Domini nostri fructus est, ut ex sanctissima ejus anima & nostra una duntaxat fiat, & è sacratissimo illius corpore simul & nostro per vitæ morumque similitudinem unum corpus constituatur juxta illud Joan. 6. *Qui manducat meam carnem, & bibit meum sanguinem, in me manet & ego in eo.* Hinc August. ait: *Signum, quia manducavit & bibit, si manet, & manetur, si habitat, & inhabitatur, si hæret, ut non deseratur.* Variis id similitudinibus exprimitur. V.g.

B 6

sicut

36 *Pars tertiv*

sicut ferrum in fornacem igneām conjectū
scintillantes scorias ejaculatur, molle flexile, ut
in quamcunque formam formari queat, & to-
tum splendens ac quasi ignis naturam habens
efficitur. Ità quia Deus noster Hebr. 14. *Ignis
consumens est.* Nos Christum intra nos lumen-
tes reddimur ignei, flexiles, ardentes amore
Dei, & scoriam inordinatorum affectum ab-
siciimus. Et sicut vilius metallum nobilio per
ignem commixtum pretium majus accipit, ita
& nos per coniunctionem cum Christo sublima-
mur. Hinc Matth. 6, dicit Christus: *Misi me
vivens Pater, & ego vivo propter Patrem, & qui
manducat me, vivet propter me.* Hoc est, sicut
humanitas mea, quod eam Pater in una hypostasi
cum verbo coniunxerit, evecta est, ut non
aliam quam Dei personam habeat. Sic, qui me
digne recipit, per me victurus & gratiæ vitam
ac divinam habiturus est. Eò collimavit Petrus
1. Petr. 1. dicens: *Per quem Filium suum mag-
na nobis & pretiosa promissa dedit.* Pater cœlestis,
ut per hac efficiamur divina consortes nature. Hinc
Paulus Gal. 2. dicit: *Vivo ego iam non ego, vivit
vero in me Christus.* Et 1. Cor. 6. *Qui adhaeret
Domino, unus spiritus est.* Nec hæc unio locum
tantum habet in anima, sed & in corpore. Et
hinc Sacramentum Matrimonii quod facit, ut
duo sint *in carne una.* Gen. 6. Hujus cum Deo
unionis typus quoque est dicente Apostolo:
*Sacramentum hoc magnum est. Ego autem dico in
Christo & in Ecclesia.* In qua dignè Christum
sumens fit quasi unum cum Christo corpus,
nec

Hec alter corporis membris, oculis, lingua, autibus, &c. utitur ac Christus. Sicut enim ipse nec loquebatur, nec manibus aut pedibus utebatur, nisi prout volebat Pater cælestis, ita & Christo per Eucharistiam sumptam unitus aliter non utitur aut sensibus aut membris, quam prout Christus vult. Et hinc Apostolus 1, Cor. 6, ait: *Tollens ergo membra Christi faciam membra meretricis? abfir.* Quasi dicat, fierine potest? ut corporis mei membra, quæ ob unionem cum Christo Christi membra sunt, peccando meretricis membra efficiam. Malo mori quam id facere. Hæc toties celebrantes & comunicantes benè ruminent.

De Benedictione Sacerdotali & Evang. S. Joannis in fine Missæ

DE orationibus post sacram hostiam & calicem sumptum vide supra, ubi actum de oratione ante Epistolam. Benedictionem Sacerdotalem in nomine Dei Patris & Fili & Spiritus S. cum intima animi devotione accipe tanquam tesseram felicis per diem successus omnium actionum tuarum. Et quod Deus tibi quoad corpus & animam in tempore & æternitate benedicturus sit. Adverte autem non sine singulari Dei inspiratione ad Missæ finem Ecclesiam nobis initium Evangelii S. Joannis propone. Cum in illo velut brevi compendio fidei nostræ mystria comprehensa sint. Quorum, quod particeps factus sis, singulares Deo age